



左補闕安定皇甫冉集序

五言詩之源生於國風廣於離騷著於蘇  
李盛於曹劉其所自遠矣當漢魏間雖已  
朴散爲器作者猶質有餘而文不足以今  
揆昔則有朱絃踈越大夔遺味之歎歷千  
餘歲至沈詹事宋員外始財成六呂彰施  
五色使言之而中倫歌之而成聲緣情綺  
靡之功至是乃備雖去雅寢遠其麗有過  
於古者亦猶路鼗出於土鼓篆籀生於鳥  
跡也沈宋旣歿而崔司勳顥王右丞維復

崛起於開元天寶之間得其門而入者當  
代不過數人補闕其一也補闕諱冉字茂  
政玄晏先生之後樂平縣令价之孫潭州  
長史顛之子十歲能屬文十五而老成右  
丞相曲江張公深所歎異伯父秘書少監  
彬充器之自而今問休暢舉進士第一歷  
無錫尉左金吾兵曹今相國太原公之推  
轂河南也辟為書記大曆二載遷左拾遺  
轉左補闕奉使江表因省家至丹陽朝廷  
虛三署郎位以待君之復不幸短命年方

五十四而歿嗚呼惜哉君忠恕廉恪居官  
可紀孝友恭讓自內形外言必依仁交不  
苟合得喪喜愠罕見於容故觀君述作知  
君所尚以景命不永斯文未臻其極也蓋  
存於遺禮者凡三百有五十篇其詩大略  
以古之比興就今之聲律涵泳風騷憲章  
頽謝至若麗曲感動逸思奔發則天機獨  
得非師資所槩每舞雩詠歸或金谷文會  
曲水修楔南浦愴別新聲秀句輒加於常  
時一等才鍾於情故也君母弟曾字孝常

與君同稟學詩之訓君有誨誘之助焉既而麗藻競爽盛名相亞同乎聲者方之景陽孟陽孝常既除喪懼遺製之墜于地也以某與茂政前後為諫官故銜痛編集以論譔見託遂著其始終以冠于篇時大曆十四年月日司封郎中河南獨孤及序

皇甫冉字茂政潤州人玄晏先生謚之後十歲能屬文張九齡嘆而異之天寶間與弟俱登第授無錫尉避難居陽羨大曆中為王綰掌書記後為左金吾衛兵曹叅軍終左補闕卒有集三卷傳于世

唐皇甫冉詩集目錄

四言古詩

劉方平壁畫山

五言古詩

與張補闕王鍊師自徐方清路同舟  
中下於臺頭寺留別趙員外裴補闕  
同賦雜題一首

屏風上各賦一物得携琴客

寄劉方平

曾東遊以詩寄之

崔十四宅各賦一物得蒼柳

送段明府

酬楊侍御寺中見招

見諸姬學玉臺體

題裴二十一新園

寄高雲

送張南史

送薛判官之越

賦得蒼燕

送魏中丞還河北

又賦得越山三韻

送竇向叔

題高雲客舍

之京留別劉方平

出塞

酬裴十四

送鄭二員外

七言古詩

雜言湖山歌送許鳴謙并序

雜言迎神詞二首并序

迎神

送神

江草歌送盧判官

雜言月洲歌送趙冽還襄陽

灋水送鄭豐鄆縣讀書

登山歌

雜言無錫惠山寺流泉歌

送包佶賦得天津橋

廬山歌送至弘法師兼呈薛江州

送陸潛夫往茅山賦得華陽洞雜騷

體

酬權器

五言律詩

潤州南郭留別

祭張公洞二首

巫山峽

長安路

送朱逸人

西陵寄靈一上人朱放

赴無錫寄別靈一淨虛二上人雲門

所居

獨孤中丞筵陪餞常使君赴昇州

送王緒刻中

酬李郎中侍御秋夜登福州城樓見寄

同李司直諸公暑夜南餘館

贈普門上人

與諸公同登無錫北樓

同李蘇州傷美人

題魏仲光淮山所居

送鄭判官赴徐州

送顧長往新安

送權三兄弟

落第後東遊留別

寄劉八山中

九日寄鄭豐

劉方平西齋對雪

福先寺尋湛然寺主不見

秋夜寄所思

賦得郢路悲猿

清明日青龍寺上方賦得多字



與張諲宿劉八城東莊

問上入疾

送竇叔向入京

登石城戍望海寄諸暨嚴少府

同樊潤州秋日登城樓

送蔣評事往福州

賦得荆溪夜湍送蔣逸人歸義興山

送孔黨赴舉

齊郎中筵賦得的的帆向浦留別

送陸鴻漸栖霞寺採茶

泊舟陽與諸人同舟至馬林溪遇雨

送李使君赴撫州

同樊潤州遊東山

送安律師

溫湯即事

送薛秀才

酬李司兵直夜見寄

送唐別駕赴郢州

送李使君赴邵州

故齊王贈承天皇帝挽歌

贈恭順皇后晚歌

寄鄭二侍御歸新鄭無礙寺所居

送廬山人歸林慮山

送榮別駕赴華州

送常大夫加散騎常侍赴朔方

送柳八員外赴江西

又送陸潛夫尋友

送廬郎中使君赴京

送鄭員外入茅山居

送志彌師往淮南

謝常大夫柳栽

寄劉方平大谷田家

雨雪

送劉兵曹還隴山居

同裴少府安居寺對雨

送元晟歸潛山所居

送康判官往新安賦得江路曲南永

宣洞靈觀

酬廬十一過宿

奉和對雪

送蕭軼

賣藥人處得南陽朱山人書

送裴員外往江南

奉和王相公早春登徐州城

奉和對山僧

奉和待勤照上人不至

奉和漢祖廟下之作

和朝郎中楊子翫雪滿寄山陰嚴維

歸渡洛水

送田濟揚州赴選

酬崔侍御期籍道士不至兼寄

送常山人歸鍾山所居

徐州送丘侍御之越

送延陵陳法師赴上元

賦得海邊樹

題昭上人房

捷好怨

送客

秋夜宿嚴維宅

送普門上人

送夔州班使君

酬袁補闕中天寺見寄

和謝舍人靈後寓直

西陵寄靈一上人朱放

歸陽羨兼送劉八長卿

尋戴處士

早發中巖寺別契上人

酬鄭高郵秋夜見寄

五言排律

酬張二仲彝

答張諶劉方平兼呈賀蘭廣

酬包評事壁畫山水見寄

贈鄭山人

河南鄭少尹城南亭送鄭判官還河

東

登玄元廟

冬夜集賦得寒漏

寄江東李判官

送從弟豫賤遠州

太常魏博士遠出賊庭江外相逢因

叙其事

上禮部楊侍郎

宿嚴維宅送包七

送李萬州赴饒州觀省

送鄒判官赴河南

送歸中丞使新羅

劉侍御朝命許停官歸侍

夜集張謹所居

奉賀獨孤中丞遊法華寺

閑居作

送處州裴使君赴京

和袁郎中破賊後經劍中山水

送魏六侍御葬

送王相公赴幽州

東郊迎春

華清宮

和鄭少尹祭中岳寺北訪蕭居士越

上方

適荊州途次南陽贈何明府

七言律詩

三月三日義興李明府後亭泛舟  
送李錄事赴饒州

秋夜有懷高十五兼呈空和尚

玄元觀送李深李風還奉先華陰

送錢塘路少府赴制舉

酬張二倉曹楊子所居見寄兼呈韓

郎中

使往壽州淮路寄劉長鄉

同溫丹徒登萬歲樓

宿淮陰南樓酬常伯能

酬李補闕

送崔使君赴壽州

館陶李丞舊居

送袁郎中破賊北歸

寄常司直

彭祖井

秋日東郊作

送張道士歸茅山謁李尊師

送孔巢父赴河南軍

招隱寺送聞判官還江州

李二侍御丹陽東去新亭

五言絕句

同諸公有懷絕句

題畫帳二首

山水

遠帆

渡汝水向太和山

秋怨

山中五詠

門柳

遠山

南澗

春草

山館

同張侍御詠興寧寺經藏院海石榴

送王司直

婕妤怨

酬李判官度梨嶺見寄

題廬十所居

山半橫雲

病中對石竹花

送王翁信還剡中舊居

送陸遠潛夫并序

楊氏林亭探得古槎

和王給事禁省梨花詠

送陸鴻漸赴越序

臺頭寺願上人院古松下有小松栽  
毫末新生與織草不辨重其有凌雲  
干霄之志與趙員外裴十補闕同賦  
之

漁子溝寄趙員外裴補闕

同李三月夜作

初入沅江夜入湖

送裴陟歸常州

洪澤館壁見禮部尚書題詩

望南山雪惟山寺普上人

贈寄權三客舍

送李山人還

六言

小江靈一上人

奉寄皇甫補闕

送鄭二之茅山

問李二司直所居雲山



閑居

七言絕句

臨平道中贈同舟人

舟中送李八

少室韋鍊師昇仙歌

送裴闡

秋夜戲題劉方平壁

重陽日酬李觀

寄權器

送陸澧郭鄭

寄振上人無礙寺所居

酬張繼并序

又得雲字

題蔣道士房

送雲陽少府

曾山送別

赴李少府莊失路

送謝十二判官

同李萬晚望南岳寺懷普門上人

送魏十六還蘇州

唐皇甫冉詩集卷之一

唐補闕潤州皇甫冉茂政著

刑部郎中江都蕭海校正

四言古詩

劉方平壁畫山

墨妙無前性生壁先迴溪已失遠嶂猶連  
側徑樵客長林野煙青峯之外何處雲天

五言古詩

與張補闕王鍊師自徐方清路同舟  
中下於臺頭寺留別趙員外裴補闕

同賦雜題一首

朝朝春事晚泛泛行舟遠  
淮海思無窮悠揚煙景中  
幸將仙子去復與故人同  
高枕隨流水輕帆任遠風  
鍾聲野寺迥草色故城空  
送別高臺上徘徊共惆悵  
懸知白日斜定是猶相望

屏風上各賦一物得携琴客

不是向空林應當就磐石  
白雲知隱處芳草迷行迹  
如何祇役心見尔携琴客

寄劉方平

坐憶山中人窮樓事南畝  
煙霞相親外墟落今何有  
潘郎作賦年陶令辭官後  
達生遺自適良願固無負  
田取潁水流樹入陽城口  
歲暮憂思盈離居不堪久

曾東遊以詩寄之

出郭離言多迴車始知遠  
寂然層城暮更念前山轉  
總轡越成臯浮舟背梁苑  
朝朝勞延首徃徃若在眼  
落日孤雲還邊愁迷楚關  
如何椒花發復對遊子顏  
古寺杉栝裏連檣洲渚間  
煙生海西岸雲見吳南山

驚風掃蘆荻翻浪連天白正是揚帆時偏  
逢江上客由來論佳句况乃愜所適差我  
天姥峯翠色春更碧氣樓湖上雨月淨刻  
中夕釣艇或相逢江離又堪摘迢迢始寧  
野蕪沒謝公宅朱槿推列壙蒼苔偏幽石  
顧予任踈懶期尔振羽翻滄洲未可行須  
售金門策

崔十四宅各賦一物得簷柳

官渡老風煙潯陽媚雲日漢將營前見胡  
笳曲中出復在此簷端重陰仲長室

送段明府

遙夜此何其霜空殘杳靄方嗟異鄉別  
是同公會海林秋更踈野水寒猶大離人  
轉吳岫旅鴈從燕塞日夕望前期勞心白  
雲外

酬楊侍御寺中見招

貧居依柳市閑步在蓮宮高閣宜春雨長  
廊好嘯風誠如雙樹下豈比一丘中

見諸姬學玉臺體

艷唱召燕姬清絃侍盧女由來道姓秦誰

不知家楚傳杯見目成結帶明心許寧辭  
玉輦迎自堪金屋貯朝朝作行雲襄王迷  
處所

題裴二十一新園

東郭訪先生西郊尋隱路又爲江南客自  
有雲陽樹已得闌園心不知公府步開門  
白日晚倚杖青山暮果熟任霜封薜蘿從  
水度窮年常牽綴往事皆淪悞唯見耦耕  
人朝朝自來去

寄高雲

南徐風日好悵望毗陵道毗陵有故人一  
見恨無因獨戀青山久唯令白髮新每嫌  
持手板時見着頭巾煙景臨寒食農  
仲春家貧仍嗜酒生事今何有芳草遍江  
南勞心憶携手

送張南史

効何記室體

馬卿工詞賦位下年將暮謝客愛雲山家  
貧身不閑風波杳未極幾處逢相識富貴  
人皆變誰能念貧賤岸有經霜草林有故  
年枝俱應待春色獨使客心悲

送薛判官之越

時難自多務識小亦求賢道路無辭遠雲  
山併在前樟亭待朝處已是越人煙

賦得簷燕

拂水競何忙傍簷如有意翻風去每遠帶  
雨歸偏駛今君裁杏梁更欲年年去

送魏中丞還河北

寧知貴公子本是魯諸生上國風塵舊中  
司印綬榮辛勤戎旅事雪下護羗營

又賦得越山三韻

西陵猶隔水北岸已春山獨鳥連天去孤  
雲伴客還抵應結茅宇出入石林間

送竇叔向

楚客怨逢秋閑吟興非一弃官守貧病作  
賦推文律樵徑未沾霜茅簷初負日今看  
泛月去偶見乘潮出卜地會為鄰還依仲  
長室

題高雲客舍

孤興日自深浮雲非所仰窻中惡城峻樹  
外東川廣晏起簪葛巾閑吟倚藜杖阮公

道在醉莊子生常養五柳轉扶疎千峰恣  
來往清秋香粒穫白露寒菜長吳國滯風  
煙平陵延夢想時人趨纓弁高鳥違羅網  
世事徒亂紛吾心方浩蕩唯將山與水處  
處諧真賞

之京留別劉方平

客子慕儔侶含悽整晨裝邀歡日不足况  
乃前期長離袂惜嘉月遠還勞折芳遲迴  
越二陵迴首但蒼茫喬木清宿雨故關愁  
夕陽人言長安樂其奈緬相望

出塞

吹角出塞門前瞻即胡地三軍盡回首皆  
洒望鄉淚轉念關山長行看風景異由來  
征戍客負得輕生義

酬裴十四得宴字

淮海各聯翩三年方一見素心終不易玄  
髮何須變舊國想平陵春山滿陽羨鄰鷄  
莫遽唱共惜良夜宴

送鄭二負外

置酒竟長宵送君登遠道羈心看旅鴈晚

泊依秋草秋草尚芊芊離憂亦渺然元戎  
辟才彥行子犯風煙風煙積惆悵淮楚殊  
飄蕩明日是重陽登高遠相望

唐皇甫冉詩集卷之二

唐補闕潤州皇甫冉茂政著

七言古詩

雜言湖山歌送許鳴謙

并序

夫子隱者也耕於湖山之田孤雲無  
心飛鳥無跡伯仲邕友家人怡怡真  
白之風旁行於澆俗矣始惠然而去  
又翻然而歸春田雪餘具物繁殖結  
我幽夢湖間一峯酒而歌歌之以送  
遠



湖中之山分波上青桂飈飈分雨冥冥君  
歸兮春早滿山兮碧草晨春暮汲兮心何  
求澗戶巖扉兮身自老東嶺西峯兮同白  
雲鷄鳴犬吠兮時相聞幽芳媚景兮當嘉  
月踐石捫蘿兮恣超忽空山寂寂兮潁陽  
人旦夕孤雲隨一身

雜言迎神詞二首并序

吳楚之俗與巴渝同風日見歌無  
祀者問其故荅曰及夏不雨慮將  
無年復云家有行人不歸憑是景

夫福此二者皆我所懷寄地種甫  
將成枯草第為臺官羈旅京師秉  
筆為迎神送神詞以應其聲亦寄  
所懷也

迎神

啓庭戶列芳鮮目眇眇心綿綿因風託雨  
降瓊筵紛下拜屢加籩人心望歲祈豐年

送神

露沾衣月隱壁氣淒淒人寂寂風起雨度  
虛瑤席來無聲去無跡神心降和神遠客

江草歌送盧判官

江皋兮春早江上兮芳草雜靡蕪兮杜蘅  
作叢秀兮復羅生被遙隰兮經長坂雨中  
深兮煙中淺目眇眇兮增愁步遲遲兮堪  
搴澧之浦兮湘之濱思夫君兮送美人吳  
洲曲兮楚鄉路遠孤城兮依獨戍新月能  
分衰露時夕陽照見連天處問君行邁終  
何之淹泊公涸風日遲處處汀洲有芳草  
王孫詎肯念歸期

雜言月洲歌送趙列還襄陽

漢之廣矣中有洲洲如月兮水環流聒聒  
兮湍與瀨草青兮春更秋苦竹林香楓樹  
樵子畏師幾家住萬山飛雨一川來巴客  
歸船傍洲去歸人不可遲芳杜滿洲時無  
限風煙皆自悲莫辭貧賤隔心期家住洲  
頭定近遠朝泛輕橈暮當返不能隨尔臥  
芳洲自念天機一何淺

澧水送鄭豐鄆縣讀書

麥秋中夏涼風起送君西郊及澧水孤煙  
遠樹動離心隔岸江流若千里早年江海

謝浮名此路雲山愜尔情上古全經皆在  
口秦人如見濟南生

登山歌

青山前青山後登高望兩處兩處今何有  
煙景滿川原離人堪白首

雜言無錫惠山寺流泉歌

寺有泉兮泉在山鏘金鳴玉兮長潺潺作  
潭鏡兮澄寺內泛巖花兮到人間土膏脉  
動知春早隈隩陰深長苔草處處縈迴石  
磴喧朝朝盪漱山僧老僧自老松自新流  
活活無冬春任疏鑿兮任汲引若有意兮  
山中人偏依佛界通仙境明滅玲瓏媚林  
嶺宛如太室臨九潭詎減天台望三井我  
來結綬未經秋已厭微官憶舊遊且復遲  
迴猶未去此心祇爲靈泉留

送包怙賦得天津橋

洛陽歲暮作征客相望依然一水間相思  
已如千里隔晴煙霽景滿天心

鳳閣龍樓映水濱豈無朝夕軒車度其柰  
相逢非所親鞏樹甘陵愁遠道他鄉一望

人堪老君報還期在早春橋邊日日看芳草

廬山歌送至弘法師兼呈薛江州

釋子去兮訪名山禪舟容與兮住仍前猿  
啾啾兮怨月江渺渺兮多煙東林西林兮  
入何處上方下方兮通石路連湘接楚饒  
桂花事久年深無杏樹使君愛人兼愛山  
時引双旌萬木間政成人野皆不擾遂令  
法侶性安閑

送陸潛夫往茅山賦得華陽洞離騷

體

游仙洞兮訪真宮奠瑤席兮禮石壇忽髣  
髴兮雲擾香陰深兮夏寒欲迴頭兮揮手  
便辭家兮可否有婚姻兮嬰纏綿歸來兮  
已久

酬權器

南望江南滿山雪此情惆悵將誰說徒隨  
群吏不曾閑願與諸生爲久別聞君靜坐  
轉耽書種樹葺茅還舊居終日白雲應自  
足明年芳草又何如人生有懷若丕展出

入公門猶未免迴舟朝夕待春風先報華  
陽洞深涉

唐皇甫冉詩集卷之三

唐補闕潤州皇甫冉茂政著

五言律詩

潤州南郭留別

縈迴楓葉岸留滯木蘭橈吳岫新經雨江  
天正落潮故人勞見愛行客自無聊君問  
前程事孤雲入剡遙

祭張公洞二首

堯心知稼穡精意遠山川風雨神斯應笙  
鏞詔命傳沐蘭抵掃地酌桂佇靈仙拂露

陳金策焚香拜玉筵  
雲開小有洞日出大羅天三鳥隨王母雙  
童翊子先何時種桃核幾度看桑田倏忽  
煙霞散空巖騎吏旋

巫山峽

巫峽見巴東迢迢出半空雲藏神女館雨  
到楚王宮朝暮泉聲落寒暄樹色同清猿  
不可聽偏在九秋中

長安路

一作詩

長安九城路戚里五侯家結束趨平樂  
翻抵狹斜高樓臨遠水複道出繁花唯見  
相如宅蓬門度歲華

送朱逸人

時人多不見出入五湖間寄酒全吾道移  
家愛遠山便看秋草暮欲共白雲還雖在  
風塵裏陶潛身自閑

西陵寄靈一上人朱放

又見曾集題作西陵寄二公尾句字不同

西陵遇風處自古是通津終日空江上雲  
山若待人汀洲寒事早魚鳥興情新迴望  
山陰路心中有所親

赴無錫寄別靈一淨虛二上入雲門

所居

又見卽集  
題少數字

高僧本姓竺開士

一作寺

舊名林一入春山

裏千峰不可尋新年芳草遍終日白雲深

欲徇微官去懸知訝此心

獨孤中丞筵陪餞韋使君赴昇州

中司龍節貴上客虎符新地控吳襟帶才  
光漢縉紳泛舟應度臘入境便行春處處  
歌來暮長江建業人

送王緒剡中

不見開山去何時到剡中已聞成竹木更  
道長兒童籬落雲常聚村墟水自通朝朝  
憶玄度非是對清風

酬李郎中侍御秋夜登福州城樓見  
寄

辛勤萬里道蕭索九秋殘月照閩中夜天  
疑海上寒王程無地遠主意在人安遙寄  
登樓作空知行路難

同李司直諸公暑夜南餘館

何處多明月津亭暑夜深煙霞不可望雲

樹更沉沉好是吳中隱仍爲洛下吟官微  
朝復夕牽強亦何心

贈普門上人

支公身欲老長在沃州多惠力堪傳教禪  
功又伏魔山雲隨坐夏江草伴頭陀借問  
迴心後賢愚去幾何

與諸公同登無錫北樓

又見  
郎集

秋興因危堞歸心過遠山風霜征鴈早江  
海旅人閑驛樹寒仍密漁舟晚自還仲宣  
何所賦祗歎在荆蠻

未三字  
一作滯柴関

同李蘇州傷美人

玉珮石榴裙當年嫁使君專房猶見寵傾  
國衆皆聞歌舞嘗無對幽明忽此分陽臺  
千萬里何處作朝雲

題魏仲光淮山所居

人群不相見乃在白雲間問我將何適羨  
君今獨閑朝朝汲淮水暮暮上龜山幸已  
安貧定惟從鬢髮斑

送鄭判官赴徐州

從軍非隴頭師在古徐州氣勁三河卒功



多萬里侯元戎閫外令才子幄中籌莫聽  
關山曲還生出塞愁

送顧萇往新安

由來山水客復道向新安半是乘潮便全  
非行路難晨裝林月在野飯浦沙寒嚴子  
千年後何入釣舊灘

送權三兄弟

淮海風濤起江關幽思長同悲鵲遶樹獨  
作鴈隨陽山晚雲和雪汀寒月照霜由來  
濯纓處漁父愛滄浪

落第後東遊留別

學成方自得何事學干求果以浮名誤深  
貽達士羞九江連漲海萬里任虛舟歲晚  
同懷客相思波上鷗

寄劉八山中

東臯若近遠苦雨隔還期閏歲風霜晚山  
田收穫遲茅簷燕去後樵路菊黃時平子  
遊都父知君坐見嗤

九日寄鄭豐

重陽秋已晚千里信仍稀何處登高望知

君正憶歸還當採時菊定未授寒衣欲識  
離君恨郊園正掩扉

劉方平西齋對雪

對酒閑齋晚開軒臘雪時花輕疑絮絡色  
淨潤簾帷委樹寒枝弱縈空去鴈遙自然  
堪訪戴無復四愁詩

福先寺尋湛然寺主不見

寂然空佇立徃徃報疎鍾高館誰留客東  
南二室峯川原通霽色野邑變春容惆悵  
層城暮猶言歸路逢

秋夜寄所思

寂寞坐遙夜清風何處來天高散騎省月  
冷建章臺鄰笛哀聲急城砧朔氣催芙蓉  
已委絕誰復可為媒

賦得郢路悲猿

悲猿何處發郢路第三聲遠客知秋暮空  
山益夜清啾啾深衆木噉噉入孤城坐覺  
盈心耳儵然適楚情

清明日青龍寺上方賦得多字

上方偏可適季月况堪過遠近水聲至東

西山色多夕陽留徑草新葉變庭柯已度  
清明節春秋如客何

與張諲宿劉八城東莊

人閑當歲暮田野尚逢迎菜子多嘉慶陶  
公得此生寒蕪連古渡雲樹近嚴城鷄黍  
無辭薄貧交但貴情

問上人疾

醫王猶有疾妙理競難窮餌藥應隨病觀  
身轉悟空地閑花欲雨窻冷竹生風幾日  
東林去門人待遠公

送竇叔向入京

冰結楊柳津從吾去入秦徒云還上國誰  
爲作中人驛樹同霜霰漁舟伴苦辛相如  
求一謁詞賦遠隨身

登石城戍望海寄諸暨嚴少府

平明登古戍徙倚待寒潮江海方回合雲  
林自寂寥詎能知遠近徒見蕩煙霄卽此  
滄洲路嗟君久折腰

同樊潤州秋日登城樓

露冕臨平楚寒城帶早霜時同借河內人

是臥淮陽積水澄天塹連山入帝鄉因高  
欲見下非是愛秋光

送蔣評事往福州

江上春常早閩中客去稀登山怨迢遞臨  
水惜芳菲煙樹何時盡風帆幾日歸還看  
復命處盛府有光輝

賦得荆溪夜湍送蔣逸人歸義興山  
驚湍流不極夜度識雲岑長帶溪沙淺時  
因山雨深方同七里路更遂五湖心揭厲  
朝將夕潺湲古至今花源君若許雖遠亦

相尋

送孔黨赴舉

入貢列諸生詩書業早成家承孔聖後身  
有魯儒名楚水通縈浦秦山擁漢京愛君  
方弱冠爲賦少年行

齊郎中筵賦得的的帆向浦留別

一帆何處去正在望中微浦迥搖空色汀  
迴見落暉無爭高鳥度能送遠人歸偏似  
南浮客悠揚無所依

送陸鴻漸栖霞寺採茶

採茶非採菘遠遠上層崖布葉春風暖盈  
筐白日斜舊知山寺路時宿野人家借問  
王孫草何時泛椀花

迫丹陽與諸人同舟至馬林溪遇雨  
雲林不可望溪水更悠悠共載人皆客離  
家春到秋遠山方對枕細雨莫迴舟來往  
南徐路多為芳草留

送李使君赴撫州

遠送臨川守還同康樂侯歲時徒改易今  
古接風流五馬嘶長道雙旌向本州鄉心  
寄西北應此郡城樓

同樊潤州遊東山

北固多陳迹東山復盛遊鏡聲發大道草  
色引行騶此地何時有長江自古流頻隨  
公府步南客寄徐州

送安律師

出家童子歲愛此雪山人長路經千里孤  
雲伴一身水中應見月草上豈傷春永日  
空林下心將何物親

溫湯即事

天仗星辰轉霜冬景氣和樹含溫液潤山  
入繚垣多丞相金錢賜平陽王輦過魯儒  
求一謁無路獨如何

送薛秀才

雖是尋山客還同慢世人讀書惟務靜無  
褐不憂貧野色春冬樹鷄聲遠近鄰鄰公  
卽吾友合與爾相親

酬李司兵直夜見寄

江城聞鼓角旅宿復何如寒月此宵半春  
風舊歲餘徒云資薄祿未必勝閑居見欲  
扁舟去誰能畏簡書

送唐別駕赴郢州

莫歎辭家遠方看佐郡榮長林通楚塞高  
嶺見秦城雪向嶢關下人從郢路迎翩翩  
駿馬去自是少年行

送李使君赴邵州

出送東方騎行安南楚人城池春足雨風  
俗夜迎神郢路逢歸客湘川問去津爭看  
使君度皂蓋雪中新

故齊王贈承天皇帝挽歌

禮盛追宗日人知友悌恩舊居從代邸新  
隴入文園鴻寶仙書祕龍旂帝服尊蒼蒼  
松裏月萬古此高原

贈恭順皇后晚歌

但謝年方久哀榮事獨稀雖殊百兩迓同  
是九泉歸詔使歸金策神入送玉衣空山  
竟不從寧肯學湘妃

寄鄭二侍御歸新鄭無礙寺所居

何事休官早歸來作鄭人雲山隨伴侶伏  
臘見鄉親南畝無三徑東林寄一身誰當  
便靜者莫使甌生塵

送廬山人歸林慮山

無論行遠近歸向舊煙林寥落人家少青  
冥鳥道深白雲長滿目芳草自知心山色  
連東海相思何處尋

送榮別駕赴華州

直到群峯下應無累日程高車入郡舍流  
水出關城草色田家迥槐陰府吏迎還將  
海沂詠缺五字

送常大夫加散騎常侍赴朔方

故壘煙霞後新軍河塞間金貂寵漢將玉  
節度蕭關澶漫沙中雪依稀漢口山人知  
竇車騎計日勒銘還

送柳八貞外赴江西

岐路窮無極長江九派分行人隨旅鴈楚  
樹入湘雲又在征南役何殊薊北勳離心  
不可問歲暮雪紛紛

又送陸潛夫尋友

一作  
甫非詩

登山自補屐訪友不齎糧坐嘯青楓晚行  
吟白日長人煙隔水見草氣入林香誰作  
招尋侶清齋宿紫陽

送盧郎中使君赴京

三年期上國萬里自東溟曲蓋遵長道油  
幢憇短亭楚雲山隱隱淮雨草青青康樂  
多新與題詩紀所經

送鄭員外八茅山居

但見全家去寧知幾日還白雲迎谷口流  
水出人間冠冕情遺世神仙事滿山其中  
應有物豈貴一身閑

送志彌師往淮南



已能持律藏復去禮禪亭長老偏摩頂時  
流尚誦經獨行寒野曠旅宿遠山青眷屬  
空相望鴻飛已杳冥

謝韋大夫柳栽

本在胡笳曲今從漢將營濃因方待庇弱  
植豈無情比雪花應吐藏烏葉未成五株  
蒙遠賜應使號先生

寄劉方平大谷田家

故山聞獨往樵路憶相從冰結泉聲絕霜  
清野翠濃籬邊潁陽道竹外少姨峰日夕  
田家務寒煙隔幾重

雨雪

風沙悲久戍雨雪更勞師絕漠無人境將  
軍苦戰時山川迷向背氛霧失旌旗徒念  
天涯隔中人芳草期

送劉兵曹還隴山居

離堂徒讌語行子但悲辛雖是還家客終  
為隴上人先秋雪已滿近夏草初新唯有  
聞羞笛梅花曲裏春

同裴少府安居寺對雨

共結尋真會還當退食初  
鑪煙雲氣合林葉雨聲餘  
溽暑銷珍葷浮涼入綺  
䟽歸心從念遠懷此復何如

送元晟歸潛山所居

深山秋事早歸去復何如  
裊露收新稼迎寒葺舊廬  
題詩卽招隱作賦是閑居  
別後空相憶嵇康懶寄書

送康判官往新安賦得江路曲南永

不向新安去那知江路長  
猿聲近廬霍水色勝瀟湘  
驛樹收殘雨漁家帶夕陽  
何須愁旅泊使者有輝光

宣洞靈觀

孤煙靈洞遠積雪滿山寒  
松栢凌高殿莓苔封石壇  
客來清夜乂仙去白雲殘  
明日開金籙焚香更沐蘭

酬盧十一過宿

乞還方未遂日夕望雲林  
况復逢春草何勞問此心  
閑門公務散枉策故情深  
遙夜他鄉酒同居梁甫吟

奉和對雪

春雪偏當夜暄風却變寒庭深不復掃城  
曉更宜看命酒閑今酌披裘晚未冠連營  
鼓角動忽似戰桑乾

送蕭猷

惆悵煙郊晚依然此送君長河隔旅夢浮  
客伴孤雲淇上春山直黎陽大道分西陵  
儻一弔應有士衡文

賣藥人處得南陽朱山人書

賣藥何爲者逃名市井居唯通遠山信因  
致逸人書已報還丹効全將世事踈秋風

溪景裏蕭散寄樵漁

送裴員外往江南

公務江南遠留歡幙下榮楓林綠楚澤水  
驛到湓城岸草知春晚沙禽好夜驚風帆  
幾泊處處處暮潮清

奉和王相公早春登徐州城

落日憑危堞春風似故鄉川流通楚塞山  
色遠徐方壁壘依寒草旌旗動夕陽無戎  
資上策南畝起耕桑

奉和對山僧

又見  
曾集

吏散重門掩僧來閉閣閑遠心馳北闕春  
興寄東山草長風光裏鶯喧靜默間芳辰  
不可住惆悵暮禽還

奉和待勤照上人不至

東洛居賢相南方待本師旌麾儼欲動杯  
錫杳仍遲積雪迷何處驚風泊幾時大臣  
能護法况有故山期

奉和漢祖廟下之作

古廟風煙積春城車騎過方修漢祖寺更  
使沛童歌寢悵巢禽出香煙水霧和神心

降福處應在故鄉多

和朝郎中楊子翫雪滿寄山陰嚴維  
凝陰晦長箔積雪滿通川征客寒猶去愁  
人晝更眠謝家興詠日漢將出師年聞有  
招尋興隨君訪戴船

歸渡洛水

暝色赴春愁歸人南渡頭渚煙空翠合灘  
月碎光流澧浦饒芳草滄浪有釣舟誰知  
訪歌客此意正悠悠

送田濟揚州赴選

家貧不自給求祿爲荒年調補無高位卑  
棲屈此賢江山欲霜雪吳楚接風煙相去  
誠非遠離心亦渺然

酬崔侍御期籍道士不至兼寄

一心求妙道幾歲候真師丹竈今何在白  
雲無定期崑崙景致絕汗漫往還遲君但  
焚香待人閒到有時

送韋山人歸鍾山所居

又見  
即集

逸人歸路遠弟子出山迎服藥顏雖駐耽  
書癖未成柴扉度歲月藜杖見公卿更作  
儒林傳還應有姓名

徐州送丘侍御之越

時鳥催春色離人惜歲華遠山隨擁傳芳  
草引還家北固潮當濶西陵路稍斜縱令  
寒食過猶有鏡中花

送延陵陳法師赴上元

延陵初罷講建業去隨緣翻譯推多學壇  
場最少年浣衣逢野水乞食向人煙遍禮  
南朝寺焚香古像前

賦得海邊樹

歷歷緣荒岸冥冥入遠天每同沙草發長  
共水雲聯搖落潮風早離披海雨偏故傷  
遊子意多在客舟前

題昭上人房

沃州傳教後百衲老空林慮盡朝昏磬禪  
隨坐卧心鶴飛湖草迥門閉野雲深地與  
天台接中峯早晚尋

婕妤怨

由來詠團扇今已值秋風事逐時皆往恩  
無日耳中早鴻聞上苑寒露下深宮顏色  
年年謝相如賦豈工

送客

旗鼓軍威重關山客路賒待封甘度隴迴  
首不思家城下春山路營中瀚海沙河源  
雖萬里音信寄東查

秋夜宿嚴維宅

昔聞玄度宅問向會稽峰君住東湖下清  
風繼舊跡秋深臨水月夜半隔山鍾世故  
多離別良宵詎可逢

送普門上人

又見  
曾集

花宮難久別道者憶千燈殘雪入林路深  
山歸寺僧日光依嫩草泉響滴春冰何用  
求方便看心是一乘

送夔州班使君

晚日照樓前三軍拜峽前白雲隨浪散青  
壁與城連萬嶺岷峨雪千家橘柚川還如  
赴河內天子去經年

酬袁補闕中天寺見寄

東林初結社已有晚鐘聲窻戶背流水房  
廊半架城遠山重疊見芳草淺深生每與  
君携手多煩長老迎

和謝舍人雪後寓直

禁省夜沉沉春風雪滿林滄洲歸客夢青  
瑣侍臣心揮翰宣鳴玉承恩在賜金建章  
寒漏起更助掖垣深

重西陵寄靈一上人朱放

西津遇風處自古是通津終日空江上雲  
山若待人汀洲寒事早魚鳥興情新翹望  
山陰路吾心有所親

歸陽羨兼送劉八長卿

湖上孤帆別江南  
謫宦歸前程愁更遠  
臨水淚沾衣雲夢春山徧  
瀟湘過客稀武陵招我隱  
歲晚閉柴扉

尋戴處士

車馬長安道誰知大隱心  
蠻僧留古鏡蜀客寄新琴  
晒藥竹齋暖搗茶松院深  
思君一相訪殘雪似山陰

早發中嚴寺別契上人

蒼蒼松桂陰殘月半西岑  
素壁寒燈暗紅爐夜火深  
廚開山鼠散鍾盡嶺猿吟  
行役方如此逢師懶話心

酬鄭高郵秋夜見寄

搖落空林夜河陽興已生  
欲辭公府步知結遠山情  
高柳風難定寒泉月助明  
袁安方卧雪尺素及柴荆



國

